

Poslodavac: Federalna uprava za geodetske i imovinsko-pravne poslove
Naziv Projekta: Projekt unapređenja geoprostorne infrastrukture i procjene vrijednosti nekretnina (GIVE)
Zajam br. IBRD 96760-BA
Država: Bosna i Hercegovina, Federacija Bosne i Hercegovine
Ref. br. aktivnosti: A.4.3.1
Broj: 09-45-05-80/26
Datum: 18.06.2026. godine

JAVNI POZIV ZA IZRAŽAVANJE INTERESA

Bosna i Hercegovina dobila je zajam za finansiranje od Svjetske banke za troškove Projekta unapređenja geoprostorne infrastrukture i procjene vrijednosti nekretnina (Projekt GIVE) i namjerava da iskoristi dio ovog kredita za plaćanja po ugovoru za pružanje konsultantskih usluga za angažman Individualnih konsultanata u sljedećim Općinskim sudovima u Federaciji BiH (FBiH):

Privremeni zemljišnoknjižni asistenti na poslovima ažuriranja i zamjene i/ili uspostave zemljišnih knjiga u:

1 Općinski sud u Mostaru	3 (tri) izvršitelja	2 Općinski sud u Tuzli	2 (dva) izvršitelja
3 Općinski sud u Sarajevu	6 (šest) izvršitelja	4 Općinski sud u Velikoj Kladuši	2 (dva) izvršitelja
5 Općinski sud u Orašju (Odžak)	2 (dva) izvršitelja	6 Općinski sud u Cazinu	1 (jedan) izvršitelj
7 Općinski sud u Srebreniku	2 (dva) izvršitelja	8 Općinski sud u Sanskom Mostu	1 (jedan) izvršitelj
9 Općinski sud u Travniku	4 (četiri) izvršitelja	10 Općinski sud u Sanskom Mostu (Ključ)	1 (jedan) izvršitelj
11 Općinski sud u Jajcu	1 (jedan) izvršitelj	12 Općinski sud u Širokom Brijegu	3 (tri) izvršitelja
13 Općinski sud u Gračanici	1 (jedan) izvršitelj	14 Općinski sud u Livnu (Tomislavgrad)	4 (četiri) izvršitelja
15 Općinski sud u Kiseljaku	2 (dva) izvršitelja	16 Općinski sud u Tešnju	2 (dva) izvršitelja
17 Općinski sud u Kalesiji	2 (dva) izvršitelja	18 Općinski sud u Kaknju	2 (dva) izvršitelja
19 Općinski sud u Živinicama	3 (tri) izvršitelja	20 Općinski sud u Zenici	3 (tri) izvršitelja
21 Općinski sud u Visokom	1 (jedan) izvršitelj		

Federalna uprava za geodetske i imovinsko-pravne poslove i Jedinica za provedbu Projekta GIVE ovim putem pozivaju sve kvalificirane i zainteresirane Individualne konsultante da izraze svoj interes za pružanje usluga za gore navedene pozicije.

Opis projektnog zadatka:

Individualni konsultant će na poziciji privremenog asistenta raditi na poslovima ažuriranja i sistematske uspostave i/ili zamjene zemljišnih knjiga prema podacima nove izmjere u zemljišnoknjižnim uredima i izdvojenim organizacijskim jedinicama navedenih općinskih sudova.

Potrebne kvalifikacije:

- Pravni fakultet VSS - VII stupanj ili visoko obrazovanje prvog, drugog ili trećeg ciklusa po Bolonjskom sustavu školovanja sa najmanje 180 ECTS bodova;
- Poznavanje rada sa MS Office programima;
- Najmanje 1 (jedna) godina radnog iskustva na poslovima sa visokom stručnom spremom;
- Znanje iz oblasti zemljišnoknjižnog prava koje se primjenjuje u FBiH.

Poželjno je da Individualni konsultant u vrijeme prijavljivanja na oglas posjeduje uvjerenje o položenom ispitu općeg znanja, stručnom ili pravosudnom ispitu izdato od nadležne institucije u F BiH, ali nije eliminatorno.

Zainteresirani su obvezni uz potpisanu prijavu sa kratkim životopisom, sa adresom i obavezno naznačenom e-mail adresom da dostave tražene dokumente:

- univerzitetstu diplomu Pravnog fakulteta - VII stupanj, ili visoko obrazovanje prvog, drugog ili trećeg ciklusa po Bolonjskom sustavu školovanja sa najmanje 180 ECTS bodova, te dodatak diplomi/diploma supplement, ako je stečena po bolonjskom sustavu studiranja; ili uvjerenje o diplomiranju koje nije starije više od godinu dana od dana sticanja tražene stručne spreme;
- Potvrde ili uvjerenja poslodavca ili poslodavaca kojim se nedvosmisleno dokazuje koje je poslove obavljao i u kojem razdoblju ili Uvjerenje o o radnom stažu iz Zavoda za penziono/mirovinsko i invalidsko osiguranje (listing), uz obavezno dostavljanje potvrde koja razjašnjava šifre zanimanja iz uvjerenja (listinga),
- Pismo preporuke ili druga slična isprava se uzima u obzir kada sadrži sve elemente potvrde ili uvjerenja;
- Uvjerenje/Potvrde/Certifikati o položenom kursu ili edukaciji izdate od strane institucija koje se bave obukom za rad na računaru ili uvjerenje o prijepisu ocjena izdato od strane visokoškolske ustanove.

Zainteresirani Individualni konsultanti su dužni da dostave dokumentaciju (originalne ili ovjerene kopije) kojom potvrđuju da ispunjavaju potrebne kvalifikacije navedene u ovom Pozivu za izražavanje interesa.

Odabir Individualnih konsultanata će se izvršiti putem pismenog i usmenog dijela testiranja, a testiranje će se provesti u navedenim općinskim sudovima u skladu sa Uputstvom za testiranje i odabir kandidata za radno mjesto „Privremeni asistent na poslovima ažuriranja i zamjene/uspostave zemljišnih knjiga“ u zemljišnoknjižnim uredima Općinskih sudova Federacije BiH“. Pismeni i usmeni dio testiranja sadržavat će pitanja iz oblasti Zakona o zemljišnim knjigama (SN FBiH br. 58/02, 19/03, 54/04 i 32/19 - Presuda Ustavnog suda F BiH, br. U-22/16 i 61/22), Zakona o stvarnim pravima (SN FBiH br. 66/13, 100/13 i 32/19 - Odluka US) i Pravilnika o postupanju u zemljišnoknjižnim stvarima (SN FBiH, br. 5/03, 10/07, 80/11, 6/22 i 101/23).

Nepotpune (prijave bez adrese i kontakt informacija, bez priloženih dokaza o traženim kvalifikacijama), neblagovremene i neuredne prijave neće se uzimati u razmatranje.

Očekivani početak rada u općinskim sudovima je **01.08.2026. godine**, a tačan datum ovisit će od datuma završetka procedure. Rok završetka angažmana ovisit će od broja zaprimljenih prijavnih listova u općinskom sudu. Rad će se odvijati u navedenim zemljišnoknjižnim uredima i izdvojenim organizacijskim jedinicama, a sukladno standardnom radnom vremenu općinskog suda.

Privremeni zemljišnoknjižni asistenti će biti odabrani u skladu s procedurama Svjetske banke, objavljenim u priručniku "Pravilnik o nabavkama za zajmoprince IPF", rujan 2023, revidiran veljača 2025. i rujan 2025. godine („Pravilnik“). Zainteresiranima se skreće pažnja na paragraf 3.14, 3.16 i 3.17 Svjetske banke „Pravilnika“ u kojem se utvrđuje politika Svjetske banke o sukobu interesa.

Izrazi interesovanja moraju biti dostavljeni **najkasnije 15 dana** od dana objave ovog oglasa u dnevnim novinama, na **adrese općinskih sudova koje su navedene na njihovim zvaničnim web stranicama u kojima zainteresirani kandidati apliciraju za oglašavanu poziciju**. Krajnji rok za dostavljanje prijava je **03.07.2026. godine**.

Za sve dodatne informacije možete se obratiti i na sljedeću adresu: Federalna uprava za geodetske i imovinsko-pravne poslove, Projekt GIVE, Hamdije Kreševljakovića 96, 71000 Sarajevo, Bosna i Hercegovina, Tel: + 387 33 586-063, E-mail: give_procurement@fgu.com.ba.